

Rais wa Marekani na mwana-Vermont Calvin Coolidge alizungumza juu ya *"Jimbo hili jasiri la Vermont"* baada ya mafuriko mabaya yaliyotokea karibu miaka mia moja iliyopita. Hisia hii ya ushupavu na ujasiri wa wana-Vermont inaendelea kuwa kweli tunavyoendelea kwa pamoja kumudu kuzuka kwa virusi vya korona. Wafanyakazi wa Watoto na Vijana wenye Mahitaji Maalum ya Kiafya wanaelewa kuwa kuzuka kwa virusi vya korona ni changamoto hasa kwa wazazi na walezi ambao ghafla wanajikuta wauguzi kwa wakati wote, wahudumu wa huduma binafsi, au waalimu wa elimu maalum. **Timu yetu itaendelea kuwasiliana nawe:** tunatarajia kutuma taarifa hizi kila wiki. Wakati ambapo msisitizo wa kazi yetu umezingatia kushughulikia hasa janga hili, tunataka utambue kuwa **tuko hapa kwa ajili yako**, tunapatikana, na tutapambana na hili kwa pamoja.

Wasiliana Nasi

- Wafanyakazi huko [CSHN](#) wamejitolea kukujulisha juu ya rasilimali na taarifa kwa huduma ambazo zinaweza kuihusu familia yako. Ingawa ziara za kuwaona watu ana kwa ana haziendelei kwa sasa, unaweza kutupigia simu au barua pepe wakati wowote.
- Tembelea tovuti yetu ili kupata [CSHN Care Coordinator](#) au tupigie kupitia 802-863-7338.

Vidokezo

- [Children's Personal Care Services](#): Wakala wa Huduma za Kibinadamu wa Vermont iliwasilisha ombi la msamaha kwa nchi nzima kwa Vituo vya Huduma ya Medicare na Medicaid (CMS) ambao utawaruhusu wazazi na walezi wa msingi kulipwa kwa msaada wa ziada wa matunzo binafsi ambao wanatoa kwa watoto wao wanaostahiki wakati huu wa dharura ya afya ya umma. Mnamo tarehe 2 Aprili, 2020, CMS ilitoa kibali cha muda kutekeleza mabadiliko haya kwa muda mfupi tu. Wafanyakazi kwenye Huduma za Matunzo Binafsi kwa Watoto, Vermont Medicaid na ARIS Solutions kwa sasa wanachambua kwa kina jinsi ya kushughulikia malipo kwa wazazi na walezi wa msingi. Malipo haya ni yale yanayotokana na Matunzo Binafsi ya lazima ambayo watoto wako wanaostahili wanayahitaji. Tunakusudia kutoa habari zaidi wakati wa mkutano wa Town Hall siku ya Ijumaa, Aprili 10, utakaoandaliwa na [Vermont Family Network](#).

Rasilimali

- [COVID-19: Information for Families of Children and Youth with Special Health Care Needs](#) - kutoka Chama cha Kitaaluma cha Afya ya Watoto Marekani. Nakala ya sauti na makala yenye mapendekezo ya yale ambayo familia zinaweza kufanya ili kuwa salama na afya, iliyoandaliwa na daktari wa watoto na mwakilishi kutoka Family Voices. Ni pamoja na ushauri juu ya kuandaa nyumba, miadi ya matibabu, vifaa, kusoma shule, kukabili, na rasilimali.
- [COVID-19 - Retail Pharmacy Home Delivery Options](#): Orodha ya njia tofauti za kupata vifaa vya famasia kwa rejareja nyumbani - Maduka ya Dawa yaliyosajiliwa na Medicaid wakati wa Dharura ya COVID-19

Pata habari juu ya taarifa zetu zote kwenye www.healthvermont.gov/family/special-health-needs.